

劉隨州詩集

劉隨州詩集

PDG

劉隨州文集卷第五

隨州刺史劉長卿

同諸公袁郎中宴筵喜加章服

手詔來筵上
腰金向粉闌
勲名傳舊閣
蹈舞著新衣
白杜同遊在
滄洲此會稀
寒笳發後殿
秋草送西歸
世難常推敵
時閑已息機
魯連功可讓
千載一相揮

毗陵送鄒結先赴河南充判官

王事相逢少
雲山奈別何
芳年臨水怨
瓜步上湖過
客路方經楚
鄉心共渡河
周殘春草在
離

亂故城多罷戰逢時泰輕徭佇俗和東西此分
手惆悵恨煙波

送徐大夫赴廣州

上將壇場拜南荒羽檄招遠人來百越元老事
三朝霧繞龍山暗山連象郡遙路分江淼淼軍
動馬蕭蕭盡角知秋氣樓船逐暮潮當令輸貢
賦不使外夷驕

九日蔡國公主樓

主第人何在重陽客暫尋水餘龍鏡色雲罷鳳
簫音暗牖藏昏曉蒼苔換古今晴山卷幔出秋

草閉門深籬菊仍新吐庭槐尚舊陰年年盡梁
燕來去豈無心

送荀八過山陰舊縣兼寄剡中諸官

訪舊山陰縣扁舟到海涯故林嗟滿歲春草憶
佳期晚景千峰亂晴江一鳥遲桂香留客處楓
暗泊舟時舊石曹娥冢空山夏禹祠剡谿多隱
吏君去道相思

奉餞元侍郎加豫章採訪兼賜章服

時初

州亦初
停節度

任重兼烏府時平偃豹韜澄清湘水變分別楚

山高花對彫檐發霜和白雪操黃金裝舊馬青
草換新袍巔暗猿啼月江寒鷺映濤豫章生字
下無使翳蓬蒿

奉餞郎中四兄罷餘杭太守承恩加侍
御史充行軍司馬赴汝南行營

星使三江上天波萬里通權分金節重恩借鐵
冠雄梅吹前軍發棠陰舊府空殘春錦障外初
日羽旗東岸柳遶浮鷁江花隔避驄離心在何
處芳草滿吳宮

送賈侍御克復後入京

一作江南送
賈侍御入京

對酒心不樂見君動行舟
回看暮帆隱獨向空江愁
晴雲淡初夜春塘深慢流
溫顏風霜霽喜氣煙塵收
馳駟數千里朝天十二樓
因云報親愛白髮生滄洲

會稽王處士草堂壁畫衡霍諸山

十一本

句故附
增于內

粉壁

愛一作

此衡

霍

近

群

峰

卷一作

簾

如

可

攀

能

令

堂上

客見

盡

湖

湘

一作

南

山

青

翠

數

千

仞

一作

千

飛來

方丈

間

歸

雲

無

處

滅

去

鳥

何

時

還

勝

事

日

相

對

主人

常

獨

閑

稍

看

林

壑

晚

一作

青

陰

佳

氣

生

重

閑

一本增頗與宿心會
看者慰急頗二句

惠福寺與陳留諸官茶會得西字

到此機事遣自嫌塵網迷因知萬法幻盡與浮
雲齊疎竹映高枕空花隨杖藜香飄諸天外日
隱雙林西傲吏方見狎真僧幸相携能令歸客
意不復還東溪

金陵西泊舟臨江樓

蕭條金陵郭舊是帝王州日暮望鄉處雲邊江
樹秋楚雲不可托楚水只堪愁行客千萬里滄
波朝暮流迢迢洛陽夢獨卧清川樓異鄉共如

此孤帆難久遊

題靈祐上人法華院木蘭花

其樹嶺南移植此地

庭種南中樹年華幾度新已依初地長獨發舊
園春映日成華蓋搖風散錦茵色空榮落處香
醉往來人萋萋千燈遍芳菲一雨均高柯儻為
檝渡海有良因

送嚴維宅送包佶

江湖同避地分首自依依盡室今為客驚秋空
念歸歲儲無別墅寒服羨隣機草色村橋晚蟬
聲江樹稀夜深宜共醉時難忍相違何事隨陽

鴈汀洲忽背飛

送從弟貶袁州

何事成遷客思歸不見鄉
遊吳經萬里弔屈向三湘
水與荆巫接山通鄢郢長
名羌黃綬繫身是白眉郎
獨結南枝恨應思北鴈行
憂來沽楚酒左鬢莫凝霜

無錫東郭送友人遊越

客路風霜曉郊原春興餘
平蕪不可望遊子去何如
煙水乘湖闊雲山逼越初
舊都懷作賦古穴覓藏書
碑缺曹娥宅林荒逸少居
江湖無限

意非獨為樵漁

送邵州判官往南

看君發原隰
駟牡志皇皇
始罷滄江令
還隨粉署郎
海沂軍未息
河兗歲仍荒
征稅人全少
榛蕪虜近亡
新知行宋遠
相望隔淮長
早晚裁書寄
銀鈎佇八行

出豐縣界寄韓明府

迴首古原上
未能辭舊鄉
西風收暮雨
隱隱分芒碭
矧此為邑令
名滿徐方音
客想在眼暫
若升琴堂疲
馬顧春草
行人看夕陽
自非傳尺

素誰為論中腸

別陳留諸官

戀此東道主能令西上遲徘徊暮郊別惆悵秋
風時上國邈千里夷門難再期行人望落日歸
馬嘶空陂不愧寶刀贈惟懷瓊樹枝音塵倘未
接夢寐徒相思

觀李湊所畫美人障子

愛爾含天姿丹青有殊智無間已得象象外更
生意西子不可見千載無重還空令浣沙熊猶
在含毫間一笑豈易得雙蛾如有情窻風不舉

袖但覺羅衣輕華堂翠幕春風來內閣金屏曙
色開此中一見亂人目只疑行到雲陽臺

送史判官奏事之靈武兼寄巴西親故
中州日紛梗天地何時泰獨有西歸心遙懸夕
陽外故人奉章奏比去論利害陽鴈南渡江征
驂去相背因君欲寄遠何處問親愛空使滄洲
人相思減衣帶

自鄱陽還遊中寄褚徵君

南風日夜起萬里孤帆漾元氣連洞庭夕陽落
波上故人煙水隔復此遙相望江信久寂寥楚

雲獨惆悵愛君清川口弄月時掉唱白首無子
孫一生自踈曠

石梁湖陸兼

故人千里道滄波十年別夜上明月樓相思楚
天闊瀟瀟清秋暮嫋嫋涼風發湖色淡不流沙
鷗遠還滅煙波日已遠音問日已絕歲晏空含
情江臯綠芳歇

送沈少府之任淮南

惜君滯南楚枳棘徒棲鳳獨與千里帆春風遠
相送此行山水好時物亦應衆一鳥飛長淮百

花滿雲夢相期丹霄路遙聽清風頌勿為州縣
卑時來自為用

嚴子瀨東送馬處直歸蘇

望君舟已遠落日潮未退目送滄海帆人行白
雲外江中遠回首波上生微靄秋色姑蘇臺寒
流于陵瀨相送苦易散動別知難會從此日相
思空令減衣帶

宿懷仁縣南湖寄東海荀處士

向夕歛微雨晴開湖上天離人正惆悵新月愁
蟬娟佇立白沙曲相思滄海邊浮雲自來去此

意誰能傳一水不相見千峰隨客船寒塘起孤
鴈夜色分鹽田時復一延首憶君如眼前

北遊酬孟雲卿見寄

忽忽忘前事事願能相乖衣馬日羸弊誰辨行
與才善道居貧賤繫服蒙塵埃行行無定止慄
坎難歸來慈母憂疾疢室家念棲萊幸君風烟
親深見中外懷俟子惜時節悵望臨高臺

初至洞庭懷瀟陵別業

長安邈千里日夕懷雙闕已是洞庭人猶有瀟
陵月誰堪去鄉意親戚想天末昨夜夢中歸煙

波覺來闊江臯見芳草孤客心欲絕豈訝青春
來但傷經時別長天不可望鳥與浮雲沒

題蕭郎中開元寺新構幽寂亭

康樂愛山水賞心千載同結茅依翠微伐木開
蒙籠孤峰倚青霄一徑去不窮候客石苔上禮
僧雲樹中曠然見滄洲自遠來清風五馬留谷
口雙旌薄煙虹沈沈衆香積眇眇諸天空獨往
應未遂蒼生思謝公

同姜濬題裴式微餘干東齋

世事終成夢生涯欲半過白雲心已矣滄海意

如何藜杖全吾道榴花養太和春風騎馬醉江
月釣魚歌散秩看蟲蠹開門見雀羅遠山終日
在芳草傍人多吏體莊生傲方言楚俗訛屈平
君莫吊腸斷洞庭波

贈元容州

擁旌臨合浦上印卧長沙海徼長無戍湘山獨
種畬政傳通歲貢才惜過年華萬里依孤劍千
峰寄一家累徵期旦暮未起戀煙霞避世歌芝
草休官醉菊花舊遊如夢裏此別是天涯何事
滄波上漂漂逐海槎